

Headline	PERJELAS KEKELIRUAN		
MediaTitle	Metro Ahad		
Date	12 May 2019	Language	Malay
Circulation	120,979	Readership	362,937
Section	Setempat	Page No	17
ArticleSize	525 cm <sup>2</sup>	Journalist	Mohd Hilmie
PR Value	RM 61,809		



NUR Qaseh Umairah perlu memakai mesin bantuan pernafasan berikutan masalah paru-paru.

# PERJELAS KEKELIRUAN

■ Bantuan JKM kepada Nur Qaseh perlu diselesaikan sebaik mungkin

**Mohd Hilmie Hussin**  
mohdhilmie@hmetro.com.my  
**Melaka**

**N**asib Nur Qaseh Umairah Mohd Najib terus mendapat perhatian apabila Pengerusi Jawatankuasa Wanita, Kebajikan dan Pembangunan Luar Bandar negeri, Ginnie Lim Siew Lin mengunjungi keluarga anak istimewa itu, semalam.

Turut bersama Adun Machap Jaya itu Jabatan Kebajikan Masyarakat (JKM) negeri diketuai Pengarahnya, Burhanuddin Bachik, Penolong Setiausaha Bahagian Agihan Zakat Majlis Agama Islam Melaka (Maim), Mohd Rizalman Syed dan Setiausaha Jape-run Duyong, Muhammad Farhan Mahmud.

Ginnie berkata, kekeliruan ditimbulkan Mohd Najib Bebet, 37, terhadap JKM perlu diperjelaskan dengan sebaik mungkin selepas bantuan kepada anaknya, Nur Qaseh Umairah berusia lima tahun dihentikan.

"Semakan JKM menunjukkan pendapatan isi ru-



**GINNIE** mah keluarga Najib melebihi had kelayakan garis kemiskinan iaitu RM3,000. Justeru, elaun pesakit terlanjar dihentikan.

"Bagaimanapun, saya minta JKM dan agensi lain mencari jalan membantu keluarga ini kerana saya difahamkan penjagaan ke atas Nur Qaseh Umairah membolehkan kos sangat tinggi terutama bil elektrik.

"Setakat ini setahu saya, bantuan daripada Maim masih diteruskan," kata Ginnie ketika ditemui di rumah Mohd Najib di Taman Seri Duyong 3, semalam.

Ginnie turut meminta Mohd Najib dan isterinya,

Nor Aini Raoh, 37, mendaftarkan Nur Qaseh Umairah sebagai kanak-kanak orang kurang upaya (OKU) bagi membolehkannya mendapat kad terababit.

Ini melayakkannya menyertai program Pemulihan Dalam Komuniti (PDK) yang membolehkan kanak-kanak berkenaan menerima manfaat elaun.

Beliau menjelaskan kepada Mohd Najib, bantuan daripada mana-mana agensi kerajaan bersifat sementara. Setiap kali sebelum tarikh akhir pemberian elaun, pendapatan isi rumah akan diaudit semula.

Beliau juga akan berbilang dengan Tenaga Nasional Berhad (TNB) dari segi pengurangan kadar bil elektrik.

Mohd Najib sebelum ini memuat naik status di Facebooknya mengenai ketidakpuasan hati terhadap tindakan JKM Melaka menghentikan bantuan elaun sakit terlanjar RM350 setiap bulan bermula Jun ini.

Dengan hanya isterinya bekerja sebagai guru, kos elektrik rumah berkenaan

mencecah hampir RM500 sebulan, kos susu lebih RM1,200 sebulan serta sewaan mesin terapi RM400 sebulan manakala servis mesin terababit mencecah RM600.

Kelmarin, JKM hadir ke rumahnya untuk memberi penjelasan mengenai perberhentian itu, malah semalam jabatan terababit sekali lagi mengunjungi keluarga berkenaan.

Pengarahnya, Burhanuddin berkata, sebagai penjawat awam, Nor Aini bertakluk kepada Pekeliling Perkhidmatan bil 21 Tahun 2009.

"Mengikut Pekeliling Perkhidmatan bil 21 Tahun 2009 (Peraturan permohonan perbelanjaan kemudahan perubatan), keluarga itu tidak layak menerima bantuan JKM dan menjadi tanggungjawab ketua jabatan tempat isterinya bekerja menguruskan bantuan," katanya.

Mohd Rizalman berkata, bantuan makanan bulanan RM200 dan bantuan sakit kronik RM150 daripada Maim diteruskan hingga Jun 2020.